

重刊補註洗冤錄集證卷四

目錄

急救方

救縊死

治刃傷

救中喝

救魘

救驚斃

救跌壓傷

治癲狗傷

救溺死

救湯火傷

救凍死

救中惡

救撲打猝死

治蛇蟲傷

救服毒中毒方

解砒霜

解鼠莽毒

解苦杏仁毒

治菌毒

解巴豆毒

解葭蓉毒

解斑貓茺青毒

解胡蔓草

重三不言必金金言

解毒草

解射固毒

救服瀉

解藥蠱金石毒

解煤薰毒

解草烏頭毒

解輕粉冰片毒

治吞金

解水銀入耳

解飲饌毒

治蠱毒及金蠶蠱

辟穢方

三神湯

蘇合丸方

辟穢丹

洗冤錄表云救得一人不死便
全得兩人性命此急救之方所
由錄也

踏肩提髮擦胸按腹潤喉吹耳
救法

重刊補註洗冤錄集證卷四

武林王又槐蔭庭氏增輯

山陰李觀瀾虛舟氏補輯

文山孫光烈臨川氏參閱

會稽阮其新春奮氏補註

武林王又梧鳳偕氏校訂

元和張錫蕃鶴生氏重訂加丹

急救方

〔救縊死〕

凡縊從早至夜雖冷亦可救從夜至早稍難若
心下溫一日以上猶可救不得截繩但緩緩抱
解放臥令一人踏其兩肩以手提其髮常令緊
不可使頭垂下一人微微撚整喉嚨以手擦胸

上散動之。一人磨擦臂足屈伸之。若已僵但漸強屈之。又按其腹如此一飯久。即氣從口出。得呼吸眼開。甦醒後。又以官桂湯及粥飲與之。令潤咽喉。更令二人以筆管吹其耳內。若依此救無不活者。

官桂湯

廣陳皮

八分

厚朴

一錢

肉桂

五分

製半夏

一錢

乾薑

三分

甘草

三分

又法。緊用手罨其口。勿令通氣。兩時許。氣急即活。

緊用手罨救法

皂角細辛救法

又方取活鵝
嘴入口內鵝

鳴應聲即活
見洗冤錄表

山羊血救法

僵定救法

又法。用皂角細辛等分爲末。如大豆許。吹兩鼻孔。

又法。用真野山羊血二三分。研極細。以好酒灌下。立活。

又法。凡男女縊死。身雖僵定。尙可救活。不可割斷繩索。抱起解下。安放平坦處。所仰面朝上。頭要扶正。先將手足慢慢曲彎。然後將大小便用絛軟之物裹緊。不令泄氣。用一人坐於頭前。兩脚踏其肩。揪住頭髮。將縊人之手拉直。令喉項通順。再用二人。將細筆筒或葦筒入耳內。不住

雞冠血滴入
喉鼻之內凡
跌打縊溺心
頭熱者均可
用

口吹氣不住。手撫摸其胸前。用活雞冠血滴入
喉鼻之中。男左女右。男用公雞。女用母雞。刻下
卽能甦活。如氣絕時久。照前救法。務要多吹多
摸。勿謂已冷。忽略不救。

附攷

乾隆四十八年五月二十九日。浙江富
陽縣民何盛榮妻蔣氏自縊。解救因不
如法。捏咽喉上氣管。仍是閉塞不通。又
不磨擦屈伸手足。仍然血脈凝滯。延至
六月初二日身死。

皂角納下部活人背擔各救法

壁泥覆救之法

熟砂覆救之法

熟字疑卽熟字之訛

以醋灌鼻之法

救溺死

水溺一宿者。尚可救。搗皂角。以絛裹。納下部內。須臾出水卽活。或屈死人兩足。著人肩上。以死人背貼生人背。擔走吐出。水卽活。

又法。先打壁泥一堵。置地上。却以死者仰臥其上。更以壁土覆之。止露口眼。自然水氣噏入。泥間其人。遂甦。雖身僵氣絕。用此法亦可救。

又法。炒熟砂。覆死人面。上下著砂。只畱出口鼻。砂冷濕。又換數易。卽甦。又醋半盞。灌鼻中。

縣裏石灰救法

倒懸灌鼻救法

灸臍救法

分別冬夏救法

又縣裏石灰。納下部中。水出卽活。

又倒懸。以好酒灌鼻中及下部。

又倒懸。解去衣。去臍中垢。令兩人以筆管吹其耳。

又急解死人衣服。於臍上灸百壯。

又撈起時。急急將口撬音開。橫啣筋一隻。使可

出水。以竹管吹其兩耳。碾生半夏末。吹其鼻孔。

皂角末。置管中。吹其穀道。如係夏月。將溺人肚

皮。橫覆牛背之上。兩邊使人扶住。牽牛緩緩行

走。腹中之水。自然從口中。并大小便流出。再用

冬月溺水救
法又見救凍
死條當參看

生薑湯化蘇合丸灌之。或生薑汁灌之。若無牛。
以活人覆臥躬腰。令溺人如前。將肚腹橫覆於
活人身上。令活人微微動搖。水亦可出。若一時
無牛。兼活人不肯拯救。或鍋一口。將溺人覆於
鍋上。亦可。如係冬月。急將濕衣解去。爲之更換。
一面炒鹽。用布包熨臍。一面厚鋪被褥。取竈內
不著草灰。多多鋪於被褥之上。令溺人覆臥於
上。臍下墊以縣枕一個。仍以草灰將渾身厚蓋
之。灰上再加被褥。不可使灰暍於眼內。其撬口
唧筋。灌蘇合丸。生薑湯吹耳鼻。穀道等事。俱照

燒罈覆臍救法

薰鼻吹竅救法

夏天法。冬天甦醒後。宜少飲溫酒。夏天宜少飲粥湯。按灰性煖而能拔水。凡蠅溺水死者。以灰埋之。少頃卽活。此明驗也。

又以酒罈一個。紙片一把。燒放罈內。急以罈口覆臍上。冷卽再燒紙片放罈內。覆臍。去水卽活。又初救起之時。尙有微氣。或胸前尙煖。速令生人脫貼身裏衣。爲之更換。抱擔身上。將屍微微倒側之。令其腹內水流出。若水往外流。卽有生機。一面用粗紙燎灼。取烟薰其鼻竅。稍薰片時。卽用皂角研細。吹入鼻竅。但得微有一嚏噴。卽

可得生。

傷不透膜治法

治刃傷

凡殺傷不透膜者。乳香沒藥各一皂角子大。研爛。以小便半盞。好酒半盞。同煎半溫服。然後用花藥石散。或烏賊魚骨。或龍骨。爲末。敷瘡口上。卽止。昔推官宋瑑。定驗兩處殺傷。氣偶未絕。亟令保甲取蔥白。熱鍋炒熟。遍敷傷處。繼而呻吟。再易蔥白。傷者無痛矣。

花藥石散

乳香

沒藥

羌活

紫蘇

草烏

蛇含石

童便煨
三次

厚朴

白芷

細辛

降香

當歸

南星

輕粉

蘇木

檀香

龍骨

各二錢

麝香

三分

花藥石

五錢重便煅七次

血出不止治法

痛不可止治法

洗冤錄表云必用瓷瓦刮下必用石碾者忌銅鐵也

血流不止用千年石灰或

右共研極細。確收聽用。蔥湯洗淨。用此糝之。軟縣紙蓋紮。一日一換。神效。又被刀傷。血出不止。用紫藤香即降香佳者。瓷瓦鑱刮下。石碾碾細。敷之。血即止。又無癍痕。又刀刃傷。痛不可止。用好雞骨炭。擲地上。鏗然有聲者。與松香明透者。等分捶成一塊。再多用。

金瘡腸出治法

生半夏研末
敷上或用乾
麴和白糖撒
傷處皆效

箭鏃傷治法

治箭鏃木竹
器傷用艾絨

老蕒菜搗汁。拌入陰乾。如此拌捶三四遍。後爲
細末收貯。上巳端午七夕等日製之。敷患處。痛
立止。完好如常。

金瘡腸出者。用小麥五升。水九升。煮四升。繅濾
淨汁。待極冷。令病人臥蓆上。一人含汁。喫其背。
則腸漸入。喫時勿令病人知之。及多人在旁言
語。如未入。擡蓆四角輕搖。則自入。旣入者。須用
麻油潤綫縫緊。仍以潤帛紮束。慎勿驚動。使瘡
口復迸。
被箭鏃傷者。用陳醃肉。去皮。取紅活美好者。用

攤成餅子將
火硝細末鋪
上再用大蜆
擲搗成末鋪
火硝上包傷
處一日夜即
出

其肥細切剉濃。將象牙末及人所退爪甲爲末。
共研極細。拌入所剉醃肉內。再爲勻剉。令其合
一。厚敷箭鏃週圍。一飯頃。其鏃即自爲逆脫。